

Rapreschiantants da la Svizra in visita a Scuol

Ils ambaschadurs
rapreschaintan in pajais
sün tuot il muond la posiziun
dal cussagl federal svizzer.
A Scuol han trais diploms
cun ragischs engiadinais
quintà da lur vita e laver.

Il Departament federal d'affars exterius (DFAE) ha organisà per lur diplomas e diplomats una sort Tour de Suisse. «Meet the Ambassadors», as nomma l'arrandschamaint chi ha cumanzà in lündeschdi a Scuol. Dürant ündesch dis fan ambaschaduras ed ambaschadurs svizzers la visita a lur chantuns d'origen. A Scuol d'eiran preschaints la diplomata Aita Pult, chi deriva da Ftan, sco eir ils diplomats Tim Enderlin da Scuol e Chasper Sarott da Sent. Da la partida d'eiran implü Daniel Cavegn da Sedrun e Cristina Verones e Jonas Belina, chi sun da Berna. Illas localitats da mia Engiadina ha gnü lö üna discussiun da podium moderada dal diplomat anterius Oscar Knapp da Scuol. «I'l center da quist inscunter cun ambaschaduras ed ambaschadurs sta il manster dal diplomat», ha dit Knapp al cumanzaint dal podium.

La fascinaziun per l'internaziunalità
«Il manster nun es sco i'l films da James Bond», ha dit Tim Enderlin chi'd es uossa ambaschadur a Yangon i'l pajais Myanmar, «el es collia cun blera laver da management e da büro.» Chi s'haja però bler da chefar cun umans da tuot il muond, hal' cunituà, e quai saja alch ch'el predschia e chi til fascinescha amo uossa. «Siond chi s'ha da müdar lö da laver mincha quatter ons pretenda il manster gronda flexibilità, impüstut schi s'ha famiglia.» Enderlin ha stübgia a Turich giurisprudenza, es



Ils diploms han tut part ad ün discours da podium moderà dal diplomat anterius Oscar Knapp.

fotografia: Mayk Wendt

maridà ed ha duos uffants: «Els van in scoulas internaziunalas, ingio chi vain discurrü inglais, be las chanzuns da buña not chanta in rumantscha», ha'l dit cun un surrier. Ils diplomats rapreschaintan, sco ch'el ha accentuà, ils interess da la Svizra a l'ester: «Perquai esa important chi's passainta adüna dar cheu temps qua in patria.»

La prüma diplomata rumantscha

Aita Pult es creschiuda a Ftan. Davo seis stüdi universitari ha ella laverà sco schurnalista. «Dal 2013 n'haja lura decis da far il pass i'l servezzan diplomatic.» Ella es dvantada diplomata svizra e, sco

ch'Oscar Knapp ha dit, la prüma diplomata da lingua rumantscha. Davo avair fat a Cuoira ün cuors d'arab es ella stattia activa in Tunesi. Uossa latura Aita Pult a Berna pella Direcziun per svilup e collavurazion. Ella es mamma dad ün uffant ed in spranza dal prossem. «Per cha'l uffants nu sajan massa dalöntsch davent da bazegniers e nonas spera cha meis prossem da laver saja ün pajais european.» Eir ella manzuna, ch'in quist manster saja dad esser adüna flexibel.

Ragischs a Sent restan fermas

Davo il stüdi da giurisprudenza ha Chasper Sarott, oriund da Sent, absolt

cun success l'examen per dvantar diplomat. Sco prüm è'l stat activ ad Astana in Kasachstan.

Davo ha'l lavourà a Berna ed a Beirut i'l Libanon. «Uossa latura'l a Warschau», ha dit Oscar Knapp, «daspö duos ons è'l là l'uschè nommà Deputy Chief of Mission da l'ambaschada svizra in Pologna.» Ch'el nun haja gnü difficultats da laver saja ün pajais european.» Eir ella manzuna, ch'in quist manster saja dad esser adüna flexibel.

«important d'avair ragischs fermas e quellas n'haja a Sent.»

Illa discussiun han differents dals preschaints dumandà a las diplomatas e'ls diplomats schi hajan gronds privilegis, grazcha a la tablina «CD (corps diplomatique)» vi da l'auto. Ch'er diplomats hajan da pajar multas schi gajjan massa svelt, han dit ils preschaints. Ün'otra dumonda percoocca la posiziun politica: «Nus diplomats rapreschaint a l'ester la posiziun oficiala dal cussagl federal», ha explicità Tim Enderlin, independentamaing da las opiniuns personalas. (anr/fa)

Curas d'aua minerala modernas per rinforzar la vitalità

Sabina Streiter da Guarda
es chinesiologa integrativa
diplomada. In sia laver e seis
trattamaints tilla occupan
impüstut las bundant 20
funtanas d'aua minerala
illa regiun da Scuol fich ferm.
Ella spordscha uras da
consultaziun da l'aua.

MARTINA FONTANA

Sabina Streiter viva daspö l'on 2001 a Guarda. Ella es rivada in Engiadina Bassa cun üna buscha plain experienzas e scolaziuns, per exampel eir in Kung Fu, Qi Gong e meditaziun. Da quellas lecziuns ha'l dat in tuot las parts da la vallada. Sabina Streiter es eir chinesiologa diplomada.

«La chinesiologia es la fundamainta per mias uras da consultaziun ch'eufetsch in connex cullas funtanas d'aua minerala illa regiun da Scuol», decler'l'a. Cha da baiver aua saja nempe ün elemaint important illa chinesiologia. Da tschella vart ha la perita però amo ün'ot'istorgia in connex cull'aua chi tilla sta fermamaing a cour: «Cur ch'eu vaiva l'età da circa duos ons suna dvantada fich ferm amalada. Blers uffants chi vaivan ils listess simptoms han malavita stuvü murir. Ma mia mamma m'ha salvada la vita cun am dar regularmaing guots d'un aua minerala curativa da la Germania», s'al-gord'l'a. Causa la pazienza da sia mamma e la forza da l'aua minerala ha Sabina Streiter survivü. Hoz pre-



Sabina Streiter da Guarda spordscha uras da consultaziun d'aua minerala. Mincha funtana intuorn Scuol cuntegna oters minerals chi rinforzan il corp.



fotografias: mad

tend'l'a, ch'ella haja, per uschè dir, l'aua minerala i'l sang.

Musculatura es ün sistem da reacciun

Sco cha Sabina Streiter disch, es la chinesiologia üna metoda da terapia cumplementara. La chinesiologia as basa sun tests specifici da la musculatura. Quella vala nempe eir sco sistem da reacciun natüral dal corp. «La chinesiologia resguarda la psica, il metabolisme ed il sistem da's mouver sco parts chi sun dependentas üna da l'otra», declera la perita.

Quista «Triada da la sandà» vain complettada cun aspets da la medicina chinesa tradiziunala. «Uschè declaran ils tests da la musculatura in möd fich disfierenzhà, che chi manca al corp, scha'l sistem d'energia funcziuna, o schi

existen facturs da stress», decler'l'a alch detags. Ch'influenzas negativas sco eir positivas da sentimaints, nudritüra, acziuns, impissamaints etc. müdan nempe il flüm d'energia e cun el apunta eir la tensiun da la musculatura. Cha tuot tenor che deblezzas chi resultan da quists tests, sapch'la lura precis che chi manca al claint e che chi til fess bain.

«L'aua fermamaing mineralisada da la regiun da Scuol sostegna in möd fich efficiant il bainesser dals claints e güda a rinforzar la vitalità», disch ella. Uschè maina l'aua minerala inavo al corp ils minerals chi mancan. «L'aua ferm mineralisada nun es, tenor ledyscha svizra, masdina», suotta ch'la. Cha quai saja in oters pajais different. «Aua minerala es ün alimaint supplementar», decler'l'a e conguala l'aua

ferm mineralisada cun nudritüra da sport chi furnischa energia.

Lavurar cun l'aua minerala natürala

«Illas uras da consultaziun vaja per chattar chenüna da las passa 20 auas mineralas natüralas chi sbuorflan illa regiun da Scuol es adattada in möd optimal per dar energia e rinforzar il corp», disch Streiter. Las differentas auas vegnan lura masdadas e bavüdas per ün tschert temp. «Minchatant douvra ün claint be ün magöl al di per sustegner seis corp - minchatant voul daplü», decler'l'a las experienzas fattas.

Dürant las consultaziuns vegnan sclerits ils bsögs dals claints e definida l'aua minerala adattada. Lura visita Sabina Streiter insembel cul claint la funtana da l'aua minerala. «Il böt es

da visitar las funtanas da l'aua minerala per cha minchün as possa identifigar cun sia funtana», manaj'l'a. Uschè survain il trattamaint eir ün aspet emozional. Cha quists viadiis sajan part da la terapia e perquai eir importants.

Sustgnair la medicina tradiziunala

Sco cha Sabina Streiter declera, nu po la chinesiologia rimpizzazzar la medicina da scoula tradiziunala o alternativa. Cha quista terapia possa be sustgnair ils trattamaints medicinals. «Fingià sainza as mouver bler perda l'uman bler'aua cun sütar. Quai amo daplü sch'el fa sport o cur chi'd es ferm chod», rend'la attent Sabina Streiter.

Cha sun sütar gajjan a perder blers minerals importants per l'uman – minerals cha'l corp nun es capabel da prodüer svess. «Tschartas mangiativas o apunta auua mineralisada natürala pisseran lura per l'equiliber i'l corp», agiunasch'la ed intuna cha l'aua saja vita e cha l'uman consista da 70 perschtient d'aua. «Cun mias terapias lessa promouver la vitalità ed il bainesser.»

Perquai dess esser il motto: «Uossa am cuischa alch chi'm fa bain». Per Streiter nun es l'aua minerala natürala da Scuol però «be» ün oget da terapia: «Nossa regiun, noss'aua minerala e nossas sportas sun extraordinarias ed unicas», intun'l'a e conclüda: «Quistas perlas esa da chürar e da render cuntenschaft per ch'uschè bleras personas sco pussibel pon profitar da las forzas natüralas chi existan in nos-sa regiun.»

Daplü infuormazioni as survain sulla pagina d'internet: www.xinli-training.ch. Las uras da consultaziun da l'aua minerala han gnü lö quista stà i'l Bogn Engiadina a Scuol e fin la fin da settember a Guarda.